

四庫全書

史部

欽定四庫全書

史部

延祐四明志卷一至三

詳校官編修<sub>臣</sub>曹振鏞

檢討<sub>臣</sub>德生覆勘

總校官編修<sub>臣</sub>王燕緒

校對官中書<sub>臣</sub>郭晉

謄錄監生<sub>臣</sub>趙鳴皋

欽定四庫全書

史部十一

延祐四明志

地理類三

都會郡縣之屬

提要

臣等謹案延祐四明志二十卷元袁桷撰桷字伯長慶元人宋知樞密院事韶之曾孫少為麗澤書院山長以薦改翰林國史院檢討官累遷侍講學士辭歸卒贈江浙行省參知政事追封陳留郡公謚文清事蹟具元史本

傅桷文章博瞻為一時臺閣之冠所著清容居士集五十卷尚存已別著錄又有易說春秋說諸書見於蘇天爵墓誌銘者則世無傳本已久亡佚此乃所輯明州地志成於延祐七年蓋慶元路總管馬澤屬桷為之撰次者凡二十卷分為十二考曰沿革曰土風曰職官曰人物曰山川曰城邑曰河渠曰賦役曰學校曰祠祀曰釋道曰集古義例明簡最為

有體桷先世在宋多以文學知名稱東南故  
家遺獻桷沒後會朝廷修史遣使求郡國遺  
文故事惟袁氏所傳為多故其於鄉邦舊典  
尤極貫串志中考核精審敘述清晰不支不  
濫頗有良史之風視至元嘉禾至正無錫諸  
志更為賅洽可稱惟其自第九至第十一已  
闕三卷所存僅十七卷蓋為傳寫者所脫佚  
然元時地志抄帙無多存之亦足以資考究

固未可竟以不完廢之也乾隆四十六年十月恭校上

總纂官

臣紀昀

陸錫熊

孫士毅

總校官

臣陸

費

墀

欽定四庫全書

延祐四明志卷一

元 袁桷 撰

沿革攷

詩書紀明堂社稷田制與周官殊後雖旁曲傳會卒不相似何邪或曰周官太平書也周公嘗行之周祀歷八百是果無更改邪繇秦至宋率數十年輒易矣郡縣城邑廢徙率無常所陵谷變易然也魚之以人事其理若

是作沿革攷

句章鄞為越舊名

國語曰句踐之地南至于句無北至于禦兒東至于鄞西至于姑蔑又曰

吾請遠王甬句東韋昭曰今句東東決口外州宋景文公補音州與洲同越語註曰甬甬江句章也晉孫恩寇決口入餘姚通典云明州東北到大海

決口七十里輿地廣記定海縣有大決江

秦平越始皇

二十五年以吳越地為會稽郡治吳漢地志會稽所部

郡縣二十六上應牽牛之宿下當少陽之位今屬明者

曰句章曰鄞曰鄮則鄮立縣繇秦來久矣

陸士龍言秦始皇留鄞縣

三十餘日景帝四年吳王濞反誅復為郡治於吳元鼎五年



除東越因以其地為治并屬於此而立東部都尉後徙

章安陽朔元年又徙治鄞或有寇害復徙句章後漢晉

宋齊梁皆因之隋平陳併餘姚鄞鄞三縣入句章隸吳

州後改越州仍隸焉

王象之按隋志有餘繼縣而興地廣記於餘姚縣下註云隋平陳省

八句章唐志於餘姚縣下註云析故句章縣置以縣置

姚州則隋志之所謂餘繼即餘姚也是隋句章一邑之

地既割餘姚隸越州鄞以莖得名加邑為鄞

羅愿云齧苦莖釋曰

又為明州之全境也

可食之菜也郭云今莖葵葉如柳子如米汋食之滑本

草唐本注云此菜野生非人所種俗謂之莖菜葉似葢

花紫草色本草云莖汁味甘說者以為莖苦而言甘者

古人語甘草謂之大苦也觀綿之詩言沮漆之間土地

肥美則曰周原膾膾莖茶如飴莖茶皆苦菜也地既饒美其所生菜雖有性苦者皆甘如飴則此地皆可居矣是莖得地味亦甘也內則棗栗飴蜜以甘之莖莖粉榆兔薨滑瀧以滑之脂膏以膏之言養老者懼其腸溢故用此物調和飲食莖亦莖類冬用莖夏用莖廣雅曰夏莖秋莖滑如粉是也士虞禮則曰夏用葵冬用莖鄭注云莖莖類也乾則滑夏秋用生葵冬春用乾莖此蓋隨文解之故不同嚴氏曰詩註孔氏謂莖即烏頭且引驪姬置莖於肉蓋以莖為兩雅莖之莖也如此則與鴆毒同與莖茶可食之物非其類矣按地志有赤莖山乾道舊志在鄭易也亦加邑焉與地志曰邑人以其海東四十里

名鄆縣

唐武德四年析句章縣立鄆州八年州廢更置鄆

縣隸越州開元二十六年採訪使齊澣奏以鄆縣為明

州以其境內山四明為名領縣四曰鄞曰奉化慈溪翁  
山天寶初改為餘姚郡肅宗至德二年復為明州長慶  
元年刺史韓察欲移州城以白浙東觀察使薛戎上言  
明州北臨鄞江地形卑隘請移明州置於鄞縣而以州  
舊城近南高處置縣從之

見唐會要  
及移城記

州初置時領縣四

曰鄞曰翁山曰奉化曰慈溪要不出秦三縣之境雖郡  
號餘姚而餘姚縣仍隸越州廣德二年益以象山縣大  
厯六年省翁山海孺舊置望海鎮元和十四年從薛戎

言不隸明州

唐會要元和十四年八月浙東觀察使薛戎奏准勅諸道所管支郡別置鎮遏守捉

兵馬者宜並屬刺史其邊徼溪峒接連蠻夷之處特建城鎮者則不在此限今當道望海鎮去明州七十餘里俯臨大海與新羅日本諸蕃接界請據勅文不隸明州許之

錢鏐時以明州為節鎮

置望海軍又更望海鎮曰靜海鎮尋置望海縣梁開平

三年也未幾改縣為定海鄞縣亦改為鄞漢乾祐二年

錢俶命其弟億判明州宋建隆元年陞為奉國軍授億

為節度使開寶八年又命俶子惟治領之太平興國二

年吳越王納土改授惟治鎮國軍節度使自是始用文

臣為知州熙寧六年析鄞東之海中洲富都等三鄉初  
立昌國縣而明之屬縣凡六矣在唐為上郡大觀元年  
始陞為望高宗駐蹕吳會明婺俱為要郡而明州控扼  
海道紹興三年置沿海制置使以鎮之寧宗在藩邸領  
明州觀察使即位改元慶元陞州為府因以名之皇元  
混一政府為路罷制置使立浙東宣慰使司於紹興後  
徙處復徙婺至元十六年以正使趙孟傳副使劉良  
分治於慶元尋併於婺大德七年島夷厖雜宜用重臣

鎮服海口遂立浙東都元帥府即舊府治為之至元十  
五年以昌國陞州元貞元年奉化縣以戶口及格陞為  
下州

辨證 王應麟

唐武德元年改郡為州太守為刺史權置州郡頗多太  
宗命省分為十道開元二十一年分為十五道天寶元  
年以州為郡刺史為太守至德二載復以郡為州太守  
復為刺史今按開元始置明州則曰明州刺史天寶以

州為郡則曰餘姚郡太守志云置州之時名郡曰奉化以備封爵一州豈有兩郡名哉圖經開元謂開元郡名奉化天寶元年改為餘姚郡未詳所據元豐九域志始曰奉化郡未知何時改

辨州郡

唐志明州餘姚郡以境有四明山為名山海經瞿父山又東四百里曰句餘之山郭璞注山在餘姚南句章北二縣因以名州曰明郡曰餘姚皆本於句餘山虞氏餘姚人九域志晉虞喜陳虞荔墳在慈溪鳴鶴山

辨餘姚郡

鄆縣東有鄆郭古鄆縣城也漢地理志會稽郡鄆縣姓  
苑有鄆氏蓋以邑為氏五代改鄆曰鄆圖經云唐有鄆  
縣非也地理志無鄆陸雲集秦始皇南巡登稽嶽在鄆  
縣三十餘日圖經云後漢改鄆為鄆山之陰既而復為  
鄆非也西漢已有鄆

辨鄆

越語勾踐之地東至於鄆韋昭注今鄆縣是也後漢書  
注鄆故城在鄆縣東南圖經曰白杜里有鄆城山漢志  
鄆有鮎埼亭今在奉化有天門山今象山之東門山然



則奉化象山二縣漢之鄞也鄞城山其古鄞城歟今鄞縣有鄞塘鄉接奉化蓋鄞之境四皓黃公鄞大里人世說注孫承公性好山水求鄞縣遺心細務縱意游肆名阜勝丘靡不歷覽

辨鄞

句章九域志云因山為名戰國策有句章昧蓋以邑為氏漢伐東粵遣橫海將軍韓說出句章浮海從東方往史記正義句章故城在鄞鄞縣西一百里此張守節以開元之鄞言之元和郡志句章故城在今州西一里此

李吉甫以元和之明州言之後漢注與史記正義同圖  
經古句章城在鄞縣南六十里此今之地里也虞翻傳  
注句章董黯則慈溪乃漢句章之地晉劉牢之東屯上  
虞使劉裕戍句章今鄞縣有句章鄉蓋自此鄉及慈溪  
皆句章境古句章城在小溪鎮

辨句章

左傳越滅吳請使吳王居甬東注句章縣東海中洲也  
吳語云甬句東注今句章東海外洲也越語注云甬甬  
江句句章也晉孫恩寇浹口入餘姚破上虞通典云越

徙夫差於甬東韋昭曰即句章東決口外洲明州東北  
到大海決口七十里今按甬東決口即定海縣之決港  
輿地廣記定海有大決江今以城東為甬東誤矣決口  
外洲即翁洲也郡志有甬東為昌國蓋本於元和郡縣  
志昌國乃唐之翁山縣乃熙寧六年析鄞縣置豈亦句  
章地歟

辨甬東

### 本路

東至海岸一百四里自海岸二百五十里方出海洋至

石馬山凡兩潮約六百里為本路之界

西至本路界一百二十里以慈溪縣之西金川鄉桐下  
浦為界自界首至紹興路一百九十五里

南至本路界一百四十六里以奉化南松林鄉柵墟嶺  
海為界自界首至台州路二百四十里

北至海岸六十二里自海岸至蘇州洋二百二十里其  
分界處係大海即無地里相距自界首至平江府一千  
五百里

東南到海岸一百十二里自海岸汎大海八百三十八里至海中鋸門山為本路之界

西南到本路界一百二十六里以奉化州松林鄉杉木嶺為界自界首至台州寧海縣七十里

東北到海岸七十二里自海岸汎大海一千二十八里為本路之界

西北到本路一百五里以慈溪縣鳴鶴鄉雙河為界自界首至紹興路二百五十五里

鄞縣境土

東距西六十五里

南距北五十七里

東南距西北一百二十五里

西南距東北二百一十五里

東至縣界三十五里以陽堂鄉育王寺山隴東河頭鋪  
為界自界首至定海縣三十五里

西至縣界三十里以桃源鄉潘奧嶺為界自界首至慈

溪縣三十里

南至縣界五十一里以鄞塘鄉傳霸河為界自界首至奉化州三十五里

北至縣界一十五里以老界鄉陳渡橋鋪為界自界首至定海縣五十里

東南到縣界九十里以豐樂鄉金峨山嶺為界自界首至奉化州六十里

西南到縣界一百七十四里以通遠鄉梅山嶺為界自

界首至紹興路餘姚州一百二十里

東北到縣界四十一里以老界鄉褚浦堰為界自界首至定海縣三十五里

西北到縣界三十五里以清道鄉西渡江心為界自界首至慈溪縣一十五里

奉化州境土

東西一百七十里

南北一百五里



東至鄞縣界七十里以藤嶺并道陳嶺為界自界首至鄞縣五十里

西至紹興路嵎縣界一百里以陸照嶺為界自界首至嵎縣一百四十里

南至台州寧海縣界六十里以柵墟嶺為界自界首至寧海縣六十五里

北至鄞縣界四十五里以北渡大江為界自界首至鄞縣三十五里

東南到象山縣界以鄞港中流白石山南港為界陸路再折海計五百七十里自界首至象山縣二百四十五里

西南到台州寧海縣界五十里以杉木嶺為界自界首至寧海縣七十里

東北到鄞縣界六十里以金峨嶺為界自界首至鄞縣八十四里

西北到紹興路嵊縣界一百二十里以箬坑嶺為界自

界首至崂縣一百三十里

昌國州境土

東西五百里

南北三百里

西南至本路三百五里

東五潮至西莊石馬山與高麗國分界

南五潮至龍嶼與象山縣分界

西一潮至蛟門山與定海縣分界

北五潮至大磧山與平江路分界

東南三潮至茱山與象山縣分界

西南二潮至三山與定海縣分界

東北五潮至神前壁下與海州分界

西北三潮至灘山與嘉興路分界

慈溪縣境土

東西一百里

南北九十里

東至定海縣界六十里以梅林涇及雙橋鷓鴣浦為界  
西至紹興路餘姚州界八十里以桐下湖從浦至大江  
為界

南至鄞縣界三十里以鍾乳山及潘粵嶺孤兒岡為界  
北至嘉興路海鹽州界六十里以大海岸中桑嶼并黃  
牛山為界

東南到鄞縣界一十五里以西渡江心為界自界首至  
本路三十五里

東北到定海縣界六十里以雁門嶺為界

西南到紹興路餘姚州界一百里以楊溪村及高巖并石門山為界

西北到紹興路餘姚州界八十里以上林鄉為界

定海縣境土

東西三百九十里

南北二百五十七里

東至昌國州界以本縣崇丘鄉青山嶼接海面號鯨門

山為界縣東至海岸三里自海岸至鮫門山約半潮折  
三十七里計四十里自界首至昌國州約一潮計二百  
里

西至鄞縣界五十里以本縣清泉鄉西陳渡橋鋪北為  
界自界首至鄞縣十五里

南至鄞縣界三十五里以本縣靈巖鄉河頭鋪育王山  
壠為界自界首至鄞縣三十五里

北至本縣岸二里即是海面直連至平江路海洋為界

但以潮下行舟約一潮折二百二十里其分界處係大海

東南到本縣海晏鄉烏崎山海洋為界計一百一十里  
本縣至海洋一百五里自海岸至烏崎山五里其分界  
處係大海

西南到鄞縣界三十五里以本縣崇丘鄉褚浦堰東為  
界自界首至鄞縣三十五里

西北到慈溪縣界一百二十里以本縣靈緒鄉東墟步



為界自界首至慈溪縣三十里

東北到本縣岸二里即是大海直接至昌國州界以潮  
下行舟約半潮至昌國州金塘鄉折一百五十里自金  
塘鄉至昌國州二百里

象山縣境土

東西二百里

南北二百五里

縣治西北距府城驛三百七十一里

東至鄞縣界八十里以東殊山為界

西至台州寧海縣一百里以磻蒼山脊為界

南至台州寧海縣界一百九十里以秋盧門海港為界  
北至鄞縣界一十五里以嶼山為界

東南到海六十里

西南到台州寧海縣界一百十五里以漁溪海港磻蒼

山脊為界

東北到鄞縣界四十里以鄞港及中流及翁山為界

西北到奉化州界二百四十五里以鄞港中白石山為界

土風攷

漢地理言揚為輕揚槩言之也吳地繇會稽抵臨淮水  
旱異宜禹貢任土曷嘗以風俗言哉浙東七州習俗各殊  
陸士龍書王先生七觀盡矣止矣不得踰越也作土風  
攷

陸士龍答車茂安書

雲白前書未報重得來  
況知賢甥石季甫當屈鄧令尊  
堂憂灼賢姊涕泣上下愁勞舉家慘感何可爾邪輒為  
足下具說鄧縣土地之快非徒浮言華艷而已皆有實  
徵也縣去郡治不出三日直東而出水陸並通西有大  
湖廣縱千頃北有名山南有林澤東臨巨海往往無涯  
汜船長驅一舉千里北接青徐東洞交廣海物惟錯不  
可稱名過長川以為陂燔茂草以為田火耕水種不煩  
人力決泄任意高下在心舉鍤成雲下鍤成雨既浸既

潤隨時代序官無逋滯之穀民無饑乏之慮衣食常充  
倉庫恒實榮辱既明禮節甚備為君甚簡為民亦易季  
冬之月牧既畢嚴霜墮而蕙葭萎林鳥祭而罽羅設因  
民所欲順時游獵結置繞岡密罔彌山放鷹走犬弓弩  
亂發鳥不得飛獸不得逸真光赫之觀盤戲之至樂也  
若乃斷遏海浦隔截曲隈隨潮進退採蚌捕魚鱸鮓亦  
尾鰕齒比目不可紀名鱠鮑鰻炙鰾鯪蒸石首臠鯊鰈  
真東海之俊味肴膳之至妙也及其蚌蛤之屬目所希

見耳所不聞品類數百難可盡言也昔秦始皇至尊至貴前臨終南退燕阿房離宮別館隨意所居沉綸涇渭飲馬昆明四方奇麗天下珍玩無所不有猶以不如吳會也鄉東觀滄海遂御六軍南巡狩登稽嶽刻文石身在鄮縣三十餘日夫以帝王之尊不憚爾行季甫年少受命牧民武城之歌足以興化桑弧蓬矢丈夫之志經營四方古人所嘆何足憂乎且彼吏民恭謹篤慎敬愛官長鞭扑不施聲教風靡漢吳以來臨此縣者無不遷

變尊大人賢姊上下當為喜慶歌舞相送勿為慮也足  
下急啟喻寬慰真說此意吾不虛言也停及不一一陸  
雲白

車茂安答書

永白即日得報披省未竟懽意踊躍輒於母前伏讀三  
周舉家大小豁然忘愁也足下此書足為典誥雖山海  
經異物志二京三都殆不復過也恐有其言無其事耳  
雖爾猶足息號泣懽抃笑也府君入後月當西出足下

可豫至界上吾欲先一日與卿相見也答不復多車永  
白

王深寧先生四明七觀

東野先生發光環堵根極深寧慕白賁以息影玩素履  
以洗心有南州公子儼然踳門言曰竊懷太史公之志  
廣攬四方之恢詭譎怪升高能賦山川能說庶幾一二  
於君子之九能

詩定之方中傳建邦能命龜田能施命作器能銘使



能造命升高能賦師旅能誓山川能說喪紀能誅祭  
祀能語君子能此九者可謂有德可以為大夫也能  
叶奴代切

今至是邦也願啟我以偉觀博我以奇緊先生曰余卧  
游詩書之圃眎不踰几席敢誦舊聞吾子自擇焉昔嘗  
窺宛委之簡見神禹之山經

吳越春秋禹東巡登衡嶽夢見赤綉衣男自稱玄夷  
蒼水使者謂禹曰欲得我山書者齋於黃帝之嶽禹

退齋三日登宛委山發石得金簡玉字言治水之要  
山海經十二篇相傳為夏禹所記

東有山曰句餘實維四明南餘姚北句章二縣以為名  
山海經南山經又東四百里曰句餘之山注今在餘  
姚南句章北二縣因此為名九域志四明山句餘山  
為二以地理攷之其實一也

即山氏州倣自開元之盛

叶音成唐地理志江南名山四明其一也明州開元

二十六年採訪使齊澣奏以越州之鄞縣置以其境有四明山名之

其山嵯嶭龍從谿  
訝嶽峯駿極顥蒼危  
碧峭青方石四面  
天劃神剜出入三  
光窻豁牖絃對脩  
眉於天姥接五界  
於金庭

四明山二百八十峯洞周回一百八十里有四門通  
日月星辰山居賦注天台四明相接連四明方石四  
面自然開窻沃州天姥山在剡白樂天記南對天台

而華頂赤城列焉北對四明而金庭石鼓介焉沃州  
天姥為眉目孫綽遊天台賦落五界而迅征注五縣  
之界五縣餘姚鄞句章剡始寧金庭宮在桐栢山會  
稽記四明山高峰軼雲連岫蔽日

茲謂赤水之天分瑤扉闢而不扃

福地記三十六洞天九曰四明山名丹山赤水之天  
上有石窗四穴

松晉羨期之儔來宅來燕彷彿壺瀛駟蚪乘鸞娛翔紫

清山中人兮冠切雲駒皎皎兮鴻冥冥或梯空而上或  
履雪而行

韓文公送惠師詩發迹入四明梯空上秋旻少陵詩  
履穿四明雪謂鄭虔

從逸老以逍遙賦二韭與三菁景幽栖之至行道義重  
而貨輕

四明逸老賀知章見李太白集知章自號四明狂客  
謝靈運山居賦天台桐栢方石太平二韭四明五

輿三菁注韭以菜為名三菁太平之北諸山神仙所  
居宋書山陰孔祐至行通神隱於四明山嘗見山中  
有數百斛錢視之瓦石不異

珍木嘉艸愛葑專榮咕甘濟芳有果青櫛

陸龜蒙集四明山中有果名青櫛極甘九域志山有  
四面各產異木不雜

茗十二雷采禰區萌

晁以道詩官有白茶十二雷注四明茶名區音勾

川原出焉練澄黛渟雲蒸雨降豐我稻秔

南豐廣德湖記源出四明山

其下桑土蠶綸繭純紅女織裴交梭吳綾

綸七候切唐地理志云明州土貢吳綾交梭綾

躡跂蹻以攀躋徑沓嶂之紆縈

躡跂即履屬字

僚參同之伯陽

佇客星之子陵軼埃塽乎區外連飛遞而離羣安石  
之東山謝敷之太平

世說謝敷入太平山中十餘年

咫尺可尋也爾乃地載神氣支分脈聯大隱之峰名士  
楊適生焉

慶厯五先生大隱楊適其一也

鳴鶴之岫二虞喜蒞兆焉

九域志古迹鳴鶴山有虞喜虞蒞墳

將與子朋霞侶月釣石耕烟諷遠游於穹谷吟考槃於  
鳴泉分靈藥之刀圭友造化而飛高圓

九域志夏侯曾先地志云大隱山南入天台北蜂峯



四明東足乃謝康樂鍊藥之所

倘有意乎彼謂鰐鮫霧溼之蟠鬱

蔡肇明州謝表鰐鮫霧溼之所蟠鬱夷隸舸舶之所  
往來

未知有建德之國空同之仙公子曰愚行天下睹終南  
嵩岱之高興公登陸徧矣

孫綽字興公遊天台山賦序登陸則有四明天台

先生曰海於天地間最鉅故觀於海者難為水駕言徂

東浩漾滄溟羲和浴於搏桑日杲杲兮金鉦朝潮夕汐  
與月虧盈有鰭如山從以鯢鯨

風俗記海鰭長數千里穴居海底入穴則潮上出穴  
則水退

神虬驤首吐雷噓雲方其駿濤虎浪之興銀峯萬仞雪  
屋千層簸空抗嶽沃日吞江雷公為之矍踖天杭為之  
蕩震

叶平聲

盧賦竇志未能該也

唐盧肇海潮賦竇叔蒙海濤志

穆之圖論目擊其真

燕肅字穆之知明州著海潮圖論二篇

天門之水灌濟潤滌浹汨汨遠注析木

漢地理志鄞東南有天門水入海有越天門山輿地  
廣記象山縣東門山即越天門山

三吳轉粟粲粲粒玉饑甿仰哺檣連尾屬舩泊迅舩蠻  
集夷琛東泊青徽南薄朱垠

陸雲答車茂安書鄞縣東臨巨海往往無涯汜船長

驅一舉千里北接青徐東洞交廣

登山而望渺渺鷗鷺之浮天根候五兩以颿讀為帆颿爰

居戢而激氛

郭璞江賦覘五兩之動靜淮南子注統候風也楚人謂之五兩統音桓國語爰居海鳥

雕題卉服寒駢雞林揚柁東門檣鷗江濬爰有狻猊

犀象翠羽火齊薇水龍鱗之馥郁蠙珠木難之瓌麗杜

陽所未編辛文不能計

狻猊獅子火齊玫瑰占城薔薇水得自西域龍鱗香

見香譜木難碧珠蘇鶚杜陽編言奇寶辛文計然也

世道窳

鳥瓜切

隆如濤降升蓋獻龜於明者治之兆

祥符七年明州獻青毛金文龜

雨毛於鄮者亂之萌

唐五行志神龍二年雨毛於鄮縣占曰邪人進賢人

遁

在昔勾踐疆宇至鄞仰瞻沼吳蒲葦之濱曰甬句東浹

口外洲戰爭蟻穴興亡貉丘

越語勾踐之地東至於鄞韋昭注今鄞縣是也後漢書注鄞故城在鄞縣東今奉化象山漢鄞地左傳越滅吳請使吳王居甬東注句章縣海中洲也吳語云甬句東注今句章東海內外洲也越語註甬甬江句章也晉孫恩寇浹口入餘姚破上虞通典云越徙夫差於甬東韋昭云即句章東浹口外洲明州東北到大海浹口七十里輿地廣記定海縣有大浹江

九域志羅城或云越王無諸所築吳語越大夫種曰  
吳薦饑其民必移就蒲贏於東海之濱贏即螺

秦政騁欲狼心未滿游鄖踰月從流忘反海水羣飛洪  
茶於民一瞬為墟鮑車魚會

陸雲答車茂安書昔秦始皇前臨終南退燕阿房離  
宮別館隨意所居沈綸涇渭飲馬昆明四方奇麗天  
下珍玩無所不有猶以為不如吳會也東觀滄海遂  
御六軍南巡狩登稽嶽刻文石身在鄖縣三十餘日

追漢六葉濯征東粵句章出師命臣韓說

漢武帝伐東粵遣橫海將軍韓說出句章浮海自東  
方而往

典午末造妖寇鴟張裕以豪英往戍句章

晉孫恩之亂劉牢之東屯上虞使劉裕戍句章孫恩  
寇句章牢之擊走之夏侯曾先地志云劉牢之築城  
以遏三江口

唐季不綱盜覆此城巨容筒箭獲醜策勲



唐王郢陷明州鎮遏使劉巨容以筒箭射郢死拜明  
州刺史

想霸諸夏吞六王之雄圖螭舟兕楫射蛟之孤殿殿闐  
闐愴陽侯駭天吳矯矯三將如熊如羆電矛雨矢揃刈  
攘除威殫勢遷鮒入鯢居昆明幾刼桑田丰蕪吾將訪  
其遺躅既堙沒而無餘矣建炎凱獻於高橋六飛安行  
於海濱隱士相如抒忠納說何懋賞之謬謬豈亦若新  
城三老之縹緲

建炎間張俊用隱士劉相如之策留明州遂有高橋  
之捷遑音逝

覲千古以永懷澹東波之無窮誦潛聖之緒言謦謦乘  
槎其焉從壯魯連之高蹈閔精衛之深衷子好游乎公  
子曰水至平端不傾心術如此象聖人荀子成相不在

險也請更端以教先生曰海物惟錯雋味崑崙任公垂  
餌便嬛掄竿波臣效異鱗萬介千寸鮓腹蟹亭以埼名  
漢律獻醬惟遠見珍

漢地理志鄞有鮎埼亭注鮎音結蚌也長一寸廣二分有小蟹在腹中埼曲岸也其中多鮎故名說文漢律會稽郡獻鮎醬三斗郭璞江賦璫鮎腹蟹南越志璫鮎腹中有蟹子如榆莢合體共生

蚌菜疲民君嚴奏免

唐孔戣字君嚴明州歲貢淡菜蚌蛤之屬戣以為自海抵京師道路役夫凡四十三萬人奏罷之

貢纔鰓骨元豐仁儉

九域志明州土貢烏鰂魚骨五斤

鯊鰲蚌蛤蟹鰾鰻石首鰕齒赤尾比目續品類之數  
百愉茂安之慘感

車永茂安外甥石季甫見使為鄧令舉家慘感句章  
人說此縣有短狐之疾問陸雲以土地之宜雲答書  
曰鄧縣海物惟錯不可勝名斷遏海浦隔截曲隈隨  
潮進退采蚌捕魚鱸鰯赤尾鰕齒比目不可紀名鰾  
鰻鰲炙蟹鰾蒸石首臙鯊鰲真東海之俊味肴膳之

至妙也及其蚌蛤之屬目所希見耳所不聞品類數百難可盡言當為喜慶勿為慮也

亥市攸聚水族有簿魚韓子之南烹鵠鱉蠓與章桂雖石華海月之詩綺貝繡螺之賦弗能殫舉東曉之鰕邪頭之鮑潘國之魷且甌之蜃珠螯紫蛙

居怯切

其來如

雨鱖魴鯁數以盆鼓於是擊鮮鼎食羞用膳經嘯父蝦蕉宣子魚食陳登之鱠虞棕之鯖毛以秋菰酤以冬橙掇苔髮以為菰醉螯杯而未醒若乃潤下作鹹散鹽

為貴宿沙犂鬻而海王之筴祈望之守昉於齊而征利  
說文古者宿沙初作煮海鹽魯連子宿沙瞿子善煮  
鹽管子海王之國謹正鹽筴王去聲晏子曰海之鹽蜃  
祈望守之鬻讀為煮字

漢郡設官三十有六會稽則海鹽居一此三縣猶未置  
也考諸唐志鄮始有鹽晏巽管權灋寢以嚴

地理志鄮縣有鹽劉晏李巽

海瀕雅耄弗能

音耐

苦淡若作和鬻甘者齟齬

音減

酌醴燔

枯鱖鮑恣啖繇是亭監暴布牢盆歲增負塗山積焚素  
雪凝翦竹箬以供煬釋耒耨而肆勤一奉三斛川浮陸  
馳

奉俱便切說文囊也今鹽官三斛為一奉也

行商通其儋

音驚

巡院譏其私

劉晏置巡院捕私鹽

蓋日用飲食不

可以無朝齏箬裏其功與醯醬俱馬齒水精氷鏤霜明

魏太祖賜劉恭馬齒鹽七種後魏明元賜崔浩水

精戎鹽

古云食肴之將詎屑玉而噉瓊東箭落出越竹筍萌楊氏之果染霞垂星鹽音艷為夏槁屏羶撤腥飫高裴之菜食奚猗氏之足云

後魏高允厨中鹽菜而已裴俠食唯鹽菜柳子晉問猗氏之鹽晉之大寶也

魚鹽之湊民殷財阜不謂之樂郊邪公子曰海加租而魚不出鹽額利而人窮怨不聞蕭望之朱文季之言歟

漢食貨志後漢朱暉傳

吾冬饘夏麤

丘舉切

藜羹不糝味無味夫何



慊願聞所以利民者先生曰先民有夏盡力溝洫魏之

豹起

西門豹史起

漢之兒白

兒寬白公

疏泉灑流沕滴膏澤維鄆

之邑厥壤鹵舄原高隰下易暎以溢相時鍾洩守宰通  
職我懷休明循良輩出幹造化機卷舒神術有豐無窶  
潦霽惟一觀乎句章減陂之舊內史修復所居民富

晉孔愉為會稽內史句章縣有漢時舊陂毀廢數百  
年愉修復故堰溉田二百餘頃

言觀乎南湖曰小江溉田置堰元緯氏王蘭鞠無絕如

金匱山志卷一  
古桐鄉

唐地理志鄧縣南二里有小江湖溉田八百頃開元  
中令王元緯置民立祠宇以祠之九域志它山堰王  
元緯置後封善政侯

觀乎西南堰曰仲夏頃凡數千雨我多稼築者李友惠  
以厚下

唐志鄧縣西南四十里有仲夏堰溉田數千頃太和  
六年刺史于季友築

湖有廣德實在西界刺史曰侗增修勿壞夷庚起隄岫也建埭誰其填闕音淤利微害大發議請復志不克遂

淤音

利微害大發議請復志不克遂

唐志鄧縣西十二里有廣德湖溉田四百頃貞元九年刺史任侗因故跡增修南豐先生記云湖大五十里漕渠東北入江大厯八年令儲仙舟更令名大中年元刺史李敬方刻石謂湖成三百年矣湖之興其在齊梁之際乎至道元年守丘崇元復之天禧二年在齊梁之際乎至道元年守丘崇元復之天禧二年李夷庚正湖界起隄十八里限之熙寧元年張岫築

隄九千一百三十四丈為埭二十政和中塞為田高廟時李光泰發請復湖不克行

唐有西湖爰在東郊陸令開廣農殖嘉苗

唐志鄮縣東二十五里有西湖溉田五百頃天寶二年令陸南金開廣之

湖姓以錢亦處東鄙受溪七十二環塘八十里四肺七鴈重治者李

明州東錢湖受七十二溪累石為塘八十里天禧元

年李夷庚重修中有四牌七陂溉田五十四萬畝陂  
即堰字

漕漕清渠有蕪有苳有蒲菰蒿煙海鴈鳧蓋自晉以來  
過川水種既浸既潤民食無憂

方勇切

陸雲答車茂安書鄮縣西有大湖廣縱千頃過長川  
以為陂墦茂草以為田火耕水種不煩人力決泄任  
意高下在心舉錡成雲下錡成雨既浸既潤隨時代  
序官無逋滯之穀民無饑乏之慮衣食常充倉庫常

實

介甫鳴弦乃隄乃陂瘠土衍沃遺黎之思

聞見錄王荆公知鄆縣起隄堰決陂塘為水陸之利也邑人便之公屬民浚渠川見鄆縣經遊記

吏隨以窳棄耒弗務新溝之歌靡聞均水之約莫舉

唐薛大鼎治新溝 漢召信臣作均水約束

圳澮塞而圻龜坊

音防

庸圯而涸鮒曩晦一鍾今食二鬴

孰能諗夫愛民者塗之人可以禹公子曰佐耕以水展

也民利思不出位吾將有俟欲聞閔大傑特之觀無隱  
乎爾先生曰明多名山竺乾氏居之寶地金繩祖花禪  
枝南有雪竇東有太白飛瀑淙淙曾巒巒大梅之巉  
崿衣荷食松之詠澹如也玉几之崖嶺神耀得道之銘  
炳如也吳市子真松風隱居陳蹟故在是邪非歟

大梅禪師詩一池荷葉衣無盡數樹松花食有餘東  
坡先生宸奎閣碑銘神耀得道非有師傳見八師子  
經大梅山或謂梅子真所隱南史陶弘景詣鄮縣阿

育王塔受五大戒

文正之詩大年希白之筆釋子之所夸詡存乎否乎

范文正公送湛公歸四明講席詩滿面南風指四明  
山長水曲不勝情自言此去雲林下惟講華嚴報太  
平鄞有法智師名禮主天台教聚徒四百楊文公大  
年慕其道三以書留之住世錢希白碑其異於塔

雖然著本論者惡其學幻而言唯意者辟世之士晞髮  
濯纓岑蔚林密魚潛龜藏思昔山人有徐廣孝經之指



唐藝文志徐浩稱四明山人上廣孝經十卷

王蔣顧三隱席珍韞璞不斲流俗之知己

容齋三筆載李孟傳所錄三人王茂剛居林村巖壑  
深處刻意讀書尤邃於易慈溪蔣季莊當宣和間鄙  
荆舒之學不事科舉閉門窮經高抑崇率一歲四五  
訪其廬顧主簿南渡後寓慈溪廉介安貧踐履雖細  
事不苟旦起俟賣菜者過門問菜把直幾何隨所言  
便酬之它布帛皆然久之人皆信服不忍欺之

璜也自謂似龐蘊僧騰客之該洽故老稱美

李璜老於韋布有詩曰此身便是龐居士也更無人  
賣簦離為文用僧騰客事或問為何事曰侯景臺城  
事也著白樂天年譜事見攻媿集

今堪岳之下豈無草耕木茹匪黃匪緇蟬蛻囂滓欲往  
從之耄且休矣子謂斯何公子曰姑舍是側聞是邦鴻  
生碩德所治教也南豐曾子江漢星斗之望牧於斯

南豐先生曾子固名鞏守明州修州城程工賦裁省

費十六

忠肅陳公雪竹霜栢之操貳於斯

陳忠肅公瑄瑩中以越州簽判攝倅明州寓居城之  
湖西著四明尊堯集

船司空則以道之晁倉庾氏則予約之呂正學參前修  
嫵節映終古

景迂先生晁說之以道以元符上書黨人監明州造  
船場易玄星紀譜作於甬江官舍舊有祠放翁作記

大愚先生呂祖儉子約監明州苗米倉去倉中淫祠  
後為太府丞以直言謫死高安謚曰忠

前代令有琯長史有吉甫未足數也

唐房琯慈溪令李吉甫明州長史

文獻濡染必有聞而知之者敬在下風先生曰明士鄉  
也有越大夫種之英風其人通達而多能

呂氏春秋高誘注大夫文種字會鄞人

有大里黃公之高標其人恬靜而自珍

會稽典錄虞翻仲翔對王朗景興曰鄆大里黃公潔  
己暴秦之世高祖即阼不能一致惠帝恭遜出則濟  
難輿地志云鄆有大里夏里黃公所居

董子以孝行著愛親者式其儀刑

典錄虞仲翔曰孝子句章董黯盡心色養喪致其哀  
單身林野鳥獸歸懷怨親之辱白日報讎海內聞名  
昭然光著

任奕以文章進摘藻者襲其芬馨

典錄朱育對濮陽興曰文章之士立言榮盛則御史  
中丞句章任奕文檄睦若春榮

宏云光脩四士尚義挹其勁操思特立以獨行

典錄虞仲翔曰主簿句章梁宏鄭云皆敦始終之義  
引罪免居鄭主簿任光身當白刃濟君於難揚州從  
事句章王脩委身受命垂聲來世見吳志虞翻傳注  
故虞仲翔以俊異之生為海嶽之精

典錄仲翔曰會稽山有金木鳥獸之殷水有魚鹽珠

蚌之饒海嶽精液善生俊異是以忠臣係踵孝子連  
問

陸士龍因吏民之謹知禮教之明

士龍答車茂安書鄮縣榮辱既明禮節甚備為君甚  
簡為民亦易吏民恭謹篤慎敬愛官長鞭扑不施聲  
教風靡

屯艱否閉堙暖湛冥宋以文治賢路恢弘丘樊緼褐化  
為紳纓邑校求師再書延致斯廣川之淵源也

杜醇慶歷鄉先生王荊公宰鄆因孔子廟為學再書  
請醇為之師慈溪令林肇興學亦起醇為師

順昌嬰孺以俞為字斯新息之慈仁也

俞偉字仲寬宰南劍順昌劍人生子多者皆不舉仲  
寬作戒殺子文召父老使歸勸鄉人活者以千計生  
子者多以俞為小字也

孝通神明凱風終養斯朱康叔之純誠也

李宗質字文叔濮人文定公之裔所生母展氏罹靖



康之亂母子相失至江州水南遇展氏於廬中物色良是別十餘年而奉色養者二十餘年居鄴之石塘攻媿先生銘墓誠齋楊公為傳而贊之曰非至孝奚而通神明非通神明奚而得母

引裾強諫辛毗其直

陳文介公永政和初為正言抗疏言宦官上拂衣起永褰挽上衣上為少留衣裾脫落上曰碎朕衣矣內侍請易衣上曰留之以旌直節

鉤黨挂名范滂自出

周鐸范忠宣公之甥陳忠肅公同年進士娶其女弟  
入元祐黨籍

臨難盡節解揚之匹

吳從龍奉化人李全之變提孤軍為前鋒馬中流矢  
為賊所擒賊使偽稱援絕給泰州開城門從龍至城下  
大呼曰馬傷被執非降賊者揚州初不破泰州可死  
守賊怒刃交下罵賊不絕口以死詔立廟官其後

石交歲寒之死不渝信義如漢脂習

李猷字嘉仲一字獻夫鄞人建炎初以婦翁沒王事  
自京師詣南都行在所見友人陳東少陽上書死猷  
為位而哭祭曰吾欲收葬少陽有知其啟我心越一  
日得尸又二日得首合而斂之會其鄉人胡中行欲  
求護喪併以行李付之猷終肇慶府節推高閔抑崇  
志其墓

卻賈胡之賻持玉雪之廉父子如魏胡質

王正己字正之慶厯鄉先生說之後父勲提舉廣南  
市舶一錢之利皆歸有司家人不識舶貨之名及卒  
賈胡率錢二百萬為賻正己固卻之曰吾父以廉直  
聞雖貧孤猶能負喪以歸不媿廉叔度也趙彥逾字  
德老帥蜀餽遺不入私家將去聚宗室在九縣者分  
餉之子斂夫守袁州寶慶中真文忠公入朝上問有  
何廉吏以斂夫對詔擢直祕閣與監司亦父子以廉  
著者

之人也編典錄而無媿令譽焯乎日星下逮里巷則有  
旌閭之楊掌庫之童若免置中林之好德

紹興間明州民楊慶以孝旌表門閭江休復雜志王  
介甫為鄞令訪義夫節婦得三人其一人可采曰童  
判子為人掌典庫其家養疏屬數口奉寡姊承順不  
違其甥不事家產屢負人債輒為償之不以告姊

茵薜一時之榮華荃茅萬世之淑慝彼鍾黃之竊據郡  
乘幾於曲筆

唐紀中和元年鄭賊鍾季文陷明州景福元年明州  
刺史鍾季文卒其將黃晟自稱刺史郡志書季文不  
書其事書晟取其墓銘不書自稱刺史非春秋懲惡  
之義

先生言未既公子起而稱曰鄭圃澤多賢衛多君子魯  
東海多卿相汝潁多奇士

見列子左傳漢地理志晉周顗傳

居使然也盡語其詳先生曰世族蟬嫣重圭累組位槐

調鼎宅揆惟五袞鉞焜耀乎宗翰衡樞舄奕乎該輔牙

纛畫繡差肩踵武

慶歷中王周始守鄉郡

紫艾紛綸常伯亞旅庠

聲序音洋洋鄒魯習鄉上齒長少有叙流品別渭涇公  
卿列韋布俎豆秩秩章縫楚楚

汪大猷字仲嘉冬至元日集鄉士行禮大成殿下退  
序拜明倫堂推長者祭酒自齒韋布之列

凡周之士亦世吾州之俗近古春秋二高之說詩禮曹  
鄭之詁

高憲敏公閱字抑崇著春秋集傳高元之字端叔著  
春秋義宗曹粹中著詩解鄭鏐字剛中著周禮解義  
殊科首登於蓬萊

紹興初立博學宏辭科王壁炳文首中選入館閣  
掄魁三冠於龍虎

淳熙戊戌姚穎嘉泰壬戌傳行簡嘉定甲戌袁正肅  
甫

名茅廬仕多桂竇桐韓之疊矩又有文章授訣孝弟彙



聚

迂齋樓先生昉字暘叔以古文訣授諸生俞觀能象山  
人著孝弟類鑒

瀟山清篇武子妙句

朱翌字新仲以詩名為中書舍人有瀟山集張良臣  
字武子有雪窻詩

潛虛有辯杜集有注

張漢慈溪人著辯虛見攻媿集卞圜字養直注少陵

集

家自以為舒向人自以為揚馬茲可以言文獻乎公子  
曰媿則媿矣然世祿非不朽科舉外有學願識其大者  
先生曰故國下車喬木蒼蒼理義雨露名節風霜古之  
遺直曰豐清敏排姦詆奄謹論廩廩託興荷花聞者斂  
衽

豐清敏稷字相之為御史中丞入對蔡京於殿陛間  
揖稷曰今日必有高論稷正色答曰行自知之與殿

中侍御史陳師錫共言京姦惡宦官寢盛稷懷唐書  
上殿為上讀仇士良傳方數行上曰已喻稷若不聞  
者讀畢乃止致身常伯累鎮大藩資產纔七十畝賦  
荷花詩有人心正畏暑水面獨搖風蔡京見之曰此  
人豈肯受我籠絡邪

慶厯師儒燕及孫曾曰樓宣獻斯文統盟有德有言既  
和且清

樓宣獻鑰字大防慶厯鄉先生郁之曾孫為給事中

上疏留彭龜年而去性寬厚好賢樂善知貢舉以文獻之傳語真文忠公許以致遠

泗沂絕學闡自關洛朱張呂子緒承先覺臨川二陸自得於心若異而同為己功深淳熙四儒探賾性淵竝游三先生之門獨契陸予之心傳

舒文靖璘元質沈端憲煥叔晦楊文元公簡敬仲袁正獻公燮和袁甫廣微朱文公答項平甫書曰子思以來教人之法惟以尊德性道問學兩事為用力

之要于靜所說專是尊德性事而某平日所論却是問學上多了所以為彼學者多持守可觀又言陸子靜楊敬仲有為已功夫若能窮理當甚有可觀

處則講貫以淑艾仕則善教以昌言長庚曉月惟楊暨袁袁亦有子受業于楊進禮退義家學用光春木芘兮高山仰止人固亡而書存世未遠而道邇顏何人哉希之則是若昔魯廬江贊名德先賢沛三輔序耆舊節士後有作者孰謂知管晏而已

隋經籍志漢光武始詔南陽撰作風俗故沛三輔有耆  
舊節士之序魯廬江有名德先賢之贊郡國之書由  
是而作

公子肅然改容離席而拜曰廣哉觀乎井甃甕蟻昭然  
開明乃知西河俗美以予夏北海風移由康成文藝抑  
末歸根六經滌源雖本敬義明誠鄉黨之化漢學是崇  
讀書尚友作聖之功闕里近只遵海而東從羣叟兮問  
涂貫今古兮心同

河東為晉問濟北為錢塘七述余頗識鄉里故事  
欲擬相如久矣年六十始克為之眎鼃子十六歲之  
作汗顏滋甚筆力衰繭見聞單陋效贖不能奇也後  
十年篋中得舊藁不忍棄錄而藏之山川不改風俗  
非昔祇以增懷古之一慨云浚儀深寧老人王伯厚  
父述

延祐四明志卷一



欽定四庫全書

延祐四明志卷二

元 袁桷 撰

職官攷

司馬遷作秦楚月表餘事則以年表之深有旨焉至作  
三代世表遭秦之火何其能詳若是也漢至宋不及一  
千五百年天下職方所紀牧守隋以上無稽或曰牧守  
不賢莫能紀史遷傳循吏五人班固傳六人若是則誠

缺然矣歲月有紀誠不能自著其漸泯何憾焉作職官攷

唐

刺史

秦舜昌

開元置州首為刺史見會要

呂延之

自明州遷越州刺史見會稽志

裴敞

大曆六年刺史八年罷王密撰紀德碣李陽水書見集古攷

崔殷

大曆八年刺史記董孝子祠

王密

大曆中刺史有惠政李舟為碑記失其傳公以大曆十四年自湖州刺史授越州刺史遷

浙東節度副使撰裴儼紀德碣云  
余忝躡高蹤則必承崔殷之後矣

趙恒

缺

李長

兩刺史竝見慈溪香山智  
度寺貞應大師行狀碑

王沐

緄之曾孫貞元四年刺  
史立夫子廟見廟碑

任侗

貞元九年刺史增修廣德  
湖溉田四百頃見地理志

韓察

泚之孫長慶元年刺史易縣治為州治徹舊  
城築新城功大而民不知役費廣而用不厲

民見韓杼材  
所撰移城記

應彪

長慶三年刺史建浮  
橋跨江五十五丈

李文孺

太和三年刺史修浮橋  
見曾從龍所撰浮橋記

于季友

太和六年刺史築仲夏堰  
溉田數十頃見地理志

張次宗

會昌中刺史見  
所撰鮑郎廟碑

李敬方

大中初  
刺史

殷僧辯

建開元寺  
于佛殿

李休古

大中間刺史記路學  
見文宣王廟碑側

李伉

咸通六年刺史  
建五龍堂

崔琪

咸通十五年刺史見  
所撰心鏡大師塔銘

劉文

中和二年刺  
史見赤城志

羊僕

黃晟墓碑作羊  
吳越備史作楊

鍾李文

缺

黃晟

佐理推忠去偽功臣鎮東節度行軍司馬金  
紫光祿大夫檢校太子太傅持節明州諸軍  
事守明州刺史兼御史大夫上柱國江夏縣  
開國子食邑五百戶創築羅郭重建浮橋傳  
見人  
物攷

五代

沈承業

梁貞明二年刺  
史建城隍廟

錢鐸

吳越王  
鏐之弟

錢元球

鏐之子貞明  
二年刺史

錢瓘

鏐之子唐同光二年  
刺史有惠政卒于官

錢元珣

鏐之子同  
光四年罷

仰詮

為刺史晉天福  
四年加平章事

闕燾

開運二年刺史以上六  
刺史拉見吳越備史

錢億

吳越王俶之弟漢乾祐二年  
五月判明州諸軍事見碑銘

宋

知州

闕名

建隆元年以節度使持節知明州事浚廣德湖築塘岸周萬餘丈修它山堰乾德五年卒

錢惟治

吳越王俶之子開寶八年以節度使持節太平興國三年遷鎮國軍節度使

王素

太平興國五年太中大夫行太子中允權知見雪竇山瀑布禪院立事石刻

徐休復

太平興國六年見會要

趙易知

太子贊善大夫太平興國七年石碑名易之

錢象先

太常博士雍熙年

陳矜

侍御史端拱中

孫扶

吏部郎中  
端拱年

丘崇元

淳化年復  
廣德湖

陳充

殿中丞  
淳化年

胡旦

祕書監  
淳化年

凌景陽

度支員外  
郎淳化年

鮑當

職方員外  
郎至道年

徐繼宗

司封員外  
郎至道年

丁顧年

庫部員外郎咸平  
年石碑名顧言



王膺

虞部員外郎  
大中祥符年

蘇耆

戶部員外郎  
大中祥符年

范諷

祠部員外郎直史  
館大中祥符年

康孝基

太常博士大  
中祥符年

劉綽

太常博士大  
中祥符年

李夷庚

吏部員外郎直史館天禧年  
後東錢湖廣德湖移建州學

燕肅

司封員外  
郎天聖年

曾會

朝奉大夫尚書刑部郎中充集賢殿修撰知  
軍州兼市舶管內勸農事上護軍賜紫金魚

袋天聖二年到任見葛周所撰慈溪香山寺十一碑前守曰鄭不得其名

劉賡

司封員外郎天聖年

張交

司封員外郎明道年

李照

刑部員外郎明道年

林殆庶

屯田員外郎集賢校理景祐中

徐起

太常少卿景祐年

張弇

司封員外郎景祐年

席平

太常少卿景祐年

李制

侍御史  
寶元中

鮑亞之

兵部郎中  
康定年

錢延年

工部郎中  
閤校理慶歷

陸軫

工部郎中  
直史館  
慶歷年石碑名軫

王周

司封郎中  
慶歷年知土人也

范思道

戶部郎中  
直龍圖閣慶歷中

沈扶

祠部員外  
郎慶歷中

孫沔

皇祐三年以龍圖閣直學士知見  
通鑑長編及王岐公所撰墓誌

安稹

度支郎官秘閣  
校理皇祐中

呂昌齡

金部郎中  
皇祐中

沈同

工部郎中  
至和中

齊廓

兵部郎中祕閣  
校理嘉祐中

鮑軻

工部員外  
郎嘉祐中

錢公輔

太常博士祕閣  
校理嘉祐中

郎玘

工部郎中  
嘉祐中

李思道

兵部郎中  
治平中

俞昌年

兵部郎中  
治平中

苗振

光祿卿熙寧初知明州致仕事材為堂  
舟載歸鄞州事聞被貶事見續通考

王罕

衛尉卿熙  
寧三年

趙誠

太常少卿熙寧五年坐  
所舉李守以贓敗勒停

李縱

戶部郎中祕閣  
校理熙寧六年

李定

集賢殿修撰  
熙寧八年

曾鞏

度支員外郎直龍  
圖閣元豐元年

王誨

曾任宗正少  
卿元豐五年

馬琬

曾任左司員外郎  
元豐七年

王汾

直龍圖閣  
元祐三年

韓宗道

曾任司農少卿  
元祐年

李萃

曾任兵部郎中  
元祐年

李閔

曾任虞部郎中  
元祐年

王子淵

曾任光祿少卿  
元祐年

張脩

曾任太府少卿  
元祐年

劉淑

曾任戶部郎中  
元祐二年

呂溫卿

曾任軍器少監元祐年

姚勔

寶文閣待制紹聖年

劉瑄

曾任戶部郎中紹聖年

王子韶

集賢殿修撰紹聖年

葉濤

曾任起居舍人紹聖年

韋驤

曾任戶部郎中元祐年

陸傳

曾任戶部員外郎建中靖國年

王資深

集賢殿修撰崇寧年

葉棣

曾任吏部員外郎崇寧年

呂昌齡

朝奉郎尚書金部員外郎大觀三年在任重刻張次宗所撰鮑君祖廟記

彭休

曾任吏部員外郎大觀年

白同

曾任刑部郎中大觀年

錢景逢

曾任本路提刑大觀年

宋康年

曾任戶部郎中大觀年

陸傳

曾任祠部郎中大觀年

檀宗旦

曾任太僕少卿大觀年



蔡肇

顯謨閣待制政和年

李圖南

顯謨閣待制政和年

呂宗

曾任軍器少監政和年

周秩

集英殿修撰政和年

周邦彥

直龍圖閣政和五年

毛友

顯謨閣待制政和六年

樓异

徽猷閣待制政和七年知任滿命再任

李友聞

直龍圖閣宣和四年

蔣彝

直祕閣宣和四年

蔣猷

徽猷閣直學士宣和四年

趙億

右文殿修撰宣和六年

魏憲

顯謨閣直學士宣和七年

李弼孺

直祕閣宣和八年

李友聞

集英殿修撰宣和八年

蘇攜

直龍圖閣建炎元年

金受

直祕閣建炎二年

沈晦

集英殿修撰  
建炎三年

張汝舟

直顯謨閣兼管內  
安撫使建炎四年

劉洪道

建炎四年金人至棄城遁兵退  
逐斡民間窖藏以獻貶秩罷

向子志

直祕閣兼管內安撫使建炎四年

吳懋

直祕閣兼兩浙東路兵馬鈐轄建炎四年八月

陳戩

寶文閣待制兼兩浙東路兵馬鈐轄紹興元年十二月

陸長民

直祕閣兼兩浙東路兵馬鈐轄紹興二年八月

李承造

直龍圖閣紹興三年三月

郭仲荀

檢校少傅慶遠軍節度使兼沿海制置使紹興三年十月

仇愈

徽猷閣待制兼沿海制置使紹興五年八月到任兵火之餘首復州學興鄉士大夫行鄉

禮飲

周綱

直龍圖閣兼主管管内安撫司公事紹興八年二月

潘良貴

集英殿修撰兼主管管内安撫司公事紹興九年六月

仇愈

徽猷閣待制兼沿海制置使紹興十年六月

梁汝嘉

寶文閣學士兼浙東沿海制置使紹興十一年八月

莫將

敷文閣學士左朝請郎紹興十二年十二月

秦棣

數文閣待制  
紹興十五年正月

徐琛

右中奉大夫充數文閣  
待制紹興十七年四月

曹泳

右朝請大夫直徽猷  
閣紹興二十年五月

韓璉

右奉直大夫提舉兩浙路市舶  
權知明州紹興二十二年七月

李莊

右中奉大夫直顯謨閣  
紹興二十三年四月

王會

數文閣直學士右朝請  
郎紹興二十四年六月

李洸

右朝請大夫紹興  
二十五年六月

方滋

右朝請大夫直數文閣  
紹興二十五年九月

王俟

右朝議大夫紹興二十五年十二月

姜師仲

左朝請大夫直祕閣紹興二十六年十二月

趙善繼

右朝散大夫直祕閣紹興二十八年十月

張偁

右中奉大夫充祕閣修撰紹興二十九年七月

沈該

特進觀文殿大學士紹興三十年七月

韓仲通

敷文閣直學士右正議大夫紹興三十三年閏二月

趙子瀟

龍圖閣直學士左通議大夫兼沿海制置使隆興元年六月

趙伯圭

敷文閣直學士右奉議郎兼沿海制置使隆興二年十月任乾道二年十二月再任

張津

右朝散大夫直祕閣兼主管沿海制置司公事乾道三年五月

趙伯圭

龍圖閣學士右朝請郎兼沿海制置使乾道五年十月

魏王

永興成德軍節度使雍州牧開府儀同三司兼沿海制置使淳熙元年十二月到任七年

二月薨  
于官

范成大

中大夫兼沿海制置使淳熙七年三月

趙益

武德大夫文州刺史浙東提點刑獄公事權知淳熙八年閏三月

謝師稷

朝散大夫祕閣修撰兼主管沿海制置司公事淳熙八年四月

楊解

司農少卿除直顯謨閣淳熙九年十一月

趙師夔

朝奉郎充敷文閣待制兼沿海制置司公事淳熙十一年十月

耿秉

朝奉郎祕閣修撰兼主管沿海制置司公事淳熙十三年八月

延璽

武功大夫高州刺史權兩浙東路提點刑獄公事權知淳熙十三年十月

岳甫

朝奉郎兼主管沿海制置司公事淳熙十三年十二月

林栗

中奉大夫集英殿修撰兼沿海制置使淳熙十六年三月

程大昌

寶文閣直學士宣奉大夫兼沿海制置使紹熙元年十一月

林枏

朝請大夫直煥章閣兼主管沿海制置司公事紹熙二年正月

虞儔

朝奉大夫權兩浙東路提點刑獄公事權知紹熙二年十二月



高夔

朝散大夫右文殿修撰  
紹熙二年十一月

朱佺

中奉大夫直徽猷閣  
兼沿海制置司公事  
紹熙四年二月

何澹

煥章閣學士太中大夫  
兼沿海制置司公事  
紹熙四年十二月

林大中

朝散大夫煥章閣待制  
知慶元軍府兼沿海制置使  
慶元元年八月

李大性

朝散大夫兩浙東路提點  
刑獄公事  
權知慶元二年十一月

吳琚

太尉鎮安軍節度使  
兼沿海制置使  
慶元三年二月

鄭興裔

保靜軍承宣使  
兼沿海制置使  
慶元四年三月

俞豐

朝請大夫直祕閣  
兩浙東路提點刑獄公事  
權知慶元四年五月

陳杞

太中大夫徽猷閣待制兼沿海制置使慶元五年八月

趙不迹

朝議大夫華文閣待制兼沿海制置使嘉泰元年四月

李沐

徽猷閣學士朝議大夫兼沿海制置使嘉泰元年十月

黃由

寶謨閣學士通奉大夫兼沿海制置使嘉泰四年閏十二月

趙彥逾

資政殿大學士太中大夫兼沿海制置使嘉泰四年四月

李景和

中大夫充寶謨閣待制兼沿海制置使開禧元年

趙善堅

通奉大夫兼沿海制置使開禧二年四月

傅伯成

朝議大夫直龍圖閣兼沿海制置司公事開禧二年十二月

俞烈

中奉大夫兼沿海制置使嘉定元年三月

魯玕

朝散大夫提舉兩浙東路常平茶鹽公事兼權沿海制置司公事嘉定元年十月

程準

朝請大夫直祕閣兼沿海制置司公事嘉定二年

王介

朝奉大夫集英殿修撰兼沿海制置司公事嘉定四年十一月

程覃

朝奉大夫提舉兩浙東路常平茶鹽公事兼權沿海制置司公事嘉定六年二月到任

東錢湖它山堰灌漑甚博每患湮圯覃始置田租以所收歲給浚導者慮畫最遠撥錢及田造器服以勸學蠲海錯果蔬之征以惠民城郭戎器倉場橋道以至公府與鄉飲酒之器具纖悉留意人服其整

韓元禮

承議郎提舉兩浙東路常平茶鹽公事兼權嘉定八年六月十月除直秘閣知兼沿

海制置司公事

俞建

朝議大夫直徽猷閣兼主管沿海制置司公事嘉定十三年四月

章良朋

朝奉郎提舉兩浙東路常平茶鹽公事兼權嘉定十四年十月

趙師岳

檢校少傅安德軍節度使兼沿海制置使嘉定十六年四月

齊碩

奉議郎提舉兩浙東路常平茶鹽公事兼權嘉定十七年八月

胡槩

煥章閣學士通議大夫兼沿海制置使寶慶二年二月

鄭損

煥章閣學士沿海制置使兼知慶元府紹定二年十一月

牛大年

直華文閣浙東路提點刑獄  
公事兼權端平元年六月

游九功

祕閣修撰知慶元軍府事兼沿  
海制置司公事端平元年十月

王定

朝奉大夫直徽猷閣知慶元府兼  
沿海制置副使端平三年三月

趙與憲

直煥章閣知慶元軍府兼主管沿海制置  
使司公事端平二年五月六月又除司農

少卿兼沿海

制置副使

陳晔

顯謨閣學士宣奉大夫沿海  
制置使嘉熙元年十二月

趙善湘

資政殿大學士沿海制置使  
兼知慶元府嘉熙二年三月

趙以夫

集英殿修撰知慶元府兼沿海  
制置副使嘉熙二年閏二月

余天錫

資政殿大學士知慶元府兼沿海制置使嘉熙四年六月

陳瑄

中大夫祕閣修撰知慶元府兼沿海制置副使淳祐元年十二月

黃壯猷

淳祐三年正月祕閣修撰知慶元府兼沿海制置副使

趙綸

右文殿修撰知慶元府兼沿海制置副使淳祐四年八月

顏頤仲

朝請大夫右文殿修撰知慶元府兼沿海制置副使淳祐五年六月

章大醇

太府卿知慶元府兼沿海制置副使淳祐八年十月

馬天驥

權兵部侍郎知慶元府兼沿海制置使淳祐十一年十一月

蔡節

集英殿修撰知慶元軍府兼沿海制置使淳祐十一年六月

趙與權

安德軍節度使沿海制置使  
無知慶元府寶祐元年正月

趙汝暨

直華文閣知慶元府主管沿海  
制置使司公事寶祐元年五月

厲文翁

集英殿修撰知慶元府  
海制置使寶祐二年十月

陳昉

集英殿修撰知慶元軍府  
沿海制置使寶祐三年四月

吳潛

觀文殿大學士沿海制置大使  
判慶元軍府寶祐四年四月

余晦

知慶元府  
慶元年十月復寶章閣待制  
沿海制置使開

姚希得

敷文閣待制知慶元府  
海制置使景定元年四月  
沿海

厲文翁

資政殿學士沿海制置使  
知慶元府景定二年七月

李曾伯

觀文殿學士  
光祿大夫

葉夢鼎

資政殿  
大學士

范東叟

寶章閣  
直學士

謝子強

缺

洪燾

敷文閣學士  
通議大夫

鮑度

缺

劉黻

奉議郎集  
英殿修撰

劉良貴

太中大夫  
顯文閣待制



陳存

寶謨閣直學士中奉大夫

趙孟傳

華文閣直學士中奉大夫

浙東道宣慰司都元帥府

大德七年立詳見沿革考

都元帥

呼魯固

輔國上將軍

阿勒坦

資德大夫遙授右丞

烏魯斯布哈

榮祿大夫遙授平章政事

阿爾台托音

榮祿大夫

托克特穆爾

正奉大夫

阿爾察球爾

中奉大夫

嘉琿

資善大夫

必巴實

中奉大夫

都元帥

二廳

諾海

中奉大夫

阿里

中奉大夫

哈達遜

資德大夫  
遙授右丞

廉希哲

中奉大夫

瑪哈穆特

不赴

哈斯寶克

資善大夫

王天翼

中奉大夫

趙慧

中奉大夫

拜珠

中奉大夫

哈喇多爾濟

正奉大夫

都元帥

三廳

崔瑄

中奉大夫

李果

中奉大夫

鄭祐

正奉大夫

多爾濟

中奉大夫

王承

不赴

劉呼圖克特穆爾

中奉大夫

雅克安德濟

通奉大夫

馬鑄

中奉大夫

李允中

中奉大夫

同知副

伯勒格圖

中順大夫

托歡徹爾

明威將軍

塔爾海

正議大夫

嗎哈穆特

中奉大夫

哈陶布哈

懷遠大將軍依前沿海  
上萬戶府達魯噶齊

準珠克

太中大夫

德格

中議大夫

溫都爾哈瑪爾

亞中大夫

副使

滿滿

明威將軍

阿琳

奉議大夫

虎臣

亞中大夫

庫特穆爾

朝請大夫

寶迪

中大夫

姜元佐

朝列  
大夫

副使二

劉良

朝請  
大夫

袁璧

中憲  
大夫

馬英

少中  
大夫

吉天祐

亞中  
大夫

楊梓

中大  
夫

趙孟林

中順  
大夫

崔敬

中憲大夫

博囉

宣武將軍

經歷

李仲美

承務郎

李郁

承務郎

李復

奉議大夫

王從賢

承直郎

宋仲仁

承德郎



董世傑

郎承德

丁從禮

郎承務

白湛

郎承直

都事

楊顥

郎徵仕

董清

缺

田彥珪

郎承事

溫都爾

郎承事

曹黻

赴不

崔克弘

承務郎

曹愚

承德郎

都事二

侯正

徵仕郎

秦佐

承事郎

綿榮

承事郎

蓋文炳

承直郎

程良佑

承德郎

李德秀

承直郎

照磨

尹文質

缺

程旺

缺

王李明

缺

韓爽

缺

馮國寧

缺

鄭缺名

令史二十四名

延祐五年裁減作一十五名

奏差十六名

延祐五年裁減作一十名

通事一名

譯史二名

回回令史一名

知印一名

典吏四名

慶元路總管府

趙孟傳

沿海宣撫使  
兼知慶元府

王世強

沿海招討使  
撫治慶元府

傅海

開州知府  
慶元府彈壓

右至元十三年初歸附三人者同署事

達魯噶齊

回回

至元十四年三月之任  
以河南等路宣慰使兼

成聚

至元十四年十一月之任  
十七年授宣武將軍至元二十六年十二月得代

呼圖克

至元十四年十二月之任

秦珪

至元十五年二月之任

哈喇岱

輔國上將軍至元十五年十一月之任以沿海招討使授左副都元帥

和沁浩爾齊

至元二十二年十二月之任

阿勒呼木

懷遠大將軍至元二十四年四月之任

中都哈雅

宣武將軍至元二十七年七月之任

瑪蘇呼

昭勇大將軍至元二十八年十一月之任

伊埒

通議大夫至元三十一年十二月之任大德元年十二月得代

特爾格

昭武大將軍

哈巴爾圖布哈

缺

哈濟

中順大夫

瑪哈穆特

嘉議大夫

托音

通議大夫

實都

實喇布色

太中大夫

阿里

嘉議大夫

薩卜多

亞中  
大夫

總管

洪模

驃騎衛上將軍至元十三年  
八月以廣南宣撫使兼府尹

王剛中

中奉大夫至元十五年  
八月之任兼府尹

游介實

嘉議大夫至元十五年十月之任  
兼府尹至元十八年十二月得代

毛文豹

中奉大夫至元十八年十二月  
之任以廣東宣慰使兼府尹

管如林

朝列大夫至元二十一年七月之任

韓海山

昭勇大將軍至元二十四年九月之任



李大明

龍虎衛上將軍至元二十六年三月之任卒于官

張文虎

明威將軍兼海道運糧萬戶至元二十八年正月之任

范呼圖克特穆爾

奉直大夫元貞元年十一月之任

巴拜章

中議大夫大德二年十二月之任

郭幹

嘉議大夫大德八年十一月之任卒于官

鈕祜祿慶格

昭勇大將軍

完顏鼎爾

嘉議大夫皇慶二年正月之任

石安仁

嘉議大夫不赴

馬澤

太中大夫

蔡衍

亞中大夫

郭郁

亞中大夫

同知

劉修己

缺

倪文珍

至元十四年五月之任至元十五年十一月得代

別多喇卜丹

至元十五年十一月之任至元十八年十二月得代

謝巖

朝列大夫至元十八年十二月之任至元二十一年正月得代

柳澤

奉政大夫至元二十一年正月之任至元二十二年得除

阿里沙

朝列大夫至元二十二年正月之任至元二十六年三月得代

卞燾

朝列大夫至元二十六年三月之任

阮麟翁

中順大夫至元二十九年五月之任

都濟爾

中順大夫元貞元年閏四月之任大德二年四月得代

管淳祖

奉直大夫大德二年四月之任

圖們

奉政大夫

廉明托爾楚丹

朝請大夫

實都

朝散大夫

雙和爾哈雅

奉政大夫

張伯延

奉議大夫延祐三年之任

華善

朝列大夫

克呼

亞中大夫

和搭拉托音

朝列大夫

治中

劉文

至元十四年四月之任

婁居禮

至元十五年閏十一月之任

孫直淳

承直郎至元十七年八月之任十八年得代至元十九年再選職二十一年得代

潘瑞

朝列大夫至元十八年二月之任至元二十三年六月得代

白玉

宣武將軍至元二十三年六月之任至元二十六年六月得代

瑪蘇緒

至元二十六年八月之任至元二十九年三月得代

貝降

奉議大夫至元二十九年三月之任元貞元年七月得代

瑪哈穆特

元貞元年七月之任

張伯淳

奉議大夫至大二年五月之任當年受除

張與紹

承務郎

西京薩里

缺

齊吉

缺

呂巴延特穆爾

奉直大夫

張瓊珪

朝列大夫

楊震

武德將軍

畢安仁

朝列大夫

許壽山

朝列大夫

李元忠

朝議大夫

巴延

承德郎

府判

羅壁

至元十六年八月之任  
至元十七年八月得代

黃載

承事郎至元十六年八月之任  
至元二十年十二月得代

劉允功

承事郎至元二十年十二月之任  
至元二十三年三月得代

王浹

缺

帕哈哩鼎

至元二十五年十一月之任  
至元二十七年十一月得代

梁阿里

奉訓大夫至元二十七年十月之任元貞元年七月得代

桑節

承務郎元貞元年七月之任

和濟吉爾

缺

哈濟

缺

薩克達

承務郎

典座

薩題勒密實

缺

博囉齊

昭信校尉



札拉爾岱

缺

葉同縣

承信校尉

王瑞

承直郎

添設府判

翁元臣

至元二十四年七月之  
任元貞元年七月改除

推官

張賢

至元十五年六月之  
任當年十二月例減

張榮祖

至元二十七年正月之任

張

缺名

李

缺名

馮元吉

元貞二年  
九月之任

趙

缺名

布延瑛

缺

王榮

缺

王偁

缺

孔達

缺

賀貞

缺

王裕

缺

李震

缺

程諒

缺

曹璋

缺

何

缺名

張瑞

缺

經歷

朱玉

至元十四年八月之  
任十七年五月得代

崔

缺名

呂安

至元十七年五月之任  
二十一年正月得代

王仲璋

至元二十三年  
正月之任

王

缺名

曹蕭

至元二十四  
年二月之任

孫讓

至元二十七年二  
月之任在任病故

韓居仁

至元二十九年二月之任元貞元年二  
月得代在任興修水利起蓋文廟書閣

楊顥

元貞元年二月之任  
大德二年四月得代

解顯

大德二年  
正月之任

焦茂

缺

任揆

缺

紀祥

缺

劉仲達

缺

張思賢

缺

徐鳳

缺

曹時

缺

吳敬

缺

知事

杜天瑞

至元十四年五月之任

程謙

至元二十年三月之任

劉淵

至元二十年三月之任

張茂

至元二十四年三月之任

李楨

至元二十九年四月之任  
元貞元年四月得代

李德恭

元貞元年四月之任  
大德二年四月得代

劉良佐

缺

劉淵

缺

皇甫瓊

缺

宋政

缺

張

缺名

門從善

缺

柳應發

缺

顧巖壽

缺

蓋大亨

缺

丘世良

缺

皇甫儀

缺

提控案牘

趙克忠

至元十四年九月之任

王朝彥

至元十八年九月之任當年十月例革

王浚

至元二十年四月之任二十二年九月得代



王霖

至元二十二年九月之  
任二十五年二月得代

袁惟忠

缺

趙昌言

缺

趙欽時

缺

沈誠

缺

高晉

缺

張維良

缺

學官

教授

潘夢桂

將仕郎慶元人至元十五年十月十五日之任

黃裳

將仕佐郎眉州人至元二十三年五月二十八日之任

吳宗彥

將仕佐郎黃巖人至元二十五年十二月之任

蘇焱

將仕佐郎至元二十八年之任

戴友

缺

趙孟節

缺

黃一龍

缺

童應椿 缺

蘇壇

眉山人至大元年九月二十九日之任

卓琰

三山人至大四年九月初二日之任

孔文植

永嘉人延祐元年十月二十日之任

薛基

河東人延祐三年二月初三日之任

吳廷獻

鄱陽人延祐六年三月十八日之任

俞希魯

鎮江人至治二年三月初七日之任

陸晉之

杭州人泰定二年三月二十日之任

花桂發

無為州人致和元年四月初八日之任

相副教授

尹應元

缺

嚴斗輝

缺

馮福京

缺

趙嗣銓

缺

王汝濟

缺

史復伯

缺

學正

王沂孫

缺

時敏

缺

趙同

缺

施埏

缺

趙必昌

缺

盛象翁

缺

李夢登

缺

孔照孫

缺

賈哲甫

缺

徐信卿

缺

杜世學

缺

徐公著

缺

葉曼卿

缺

陳雲宗

缺

劉悌

缺

吳埏

缺

吳景山

缺

郭仁傑

缺

趙文

缺

盧可繼

缺

王萱

缺

李禎

缺

學錄

沈岳

缺

徐斗明

缺

陸伯潤

缺

杜世學

缺

劉簡

缺

趙必昌

缺

王惟賢

缺

姜材之

缺



陳自

缺

袁哀

缺

陳榮龍

缺

范庭埜

缺

徐忠行

缺

趙懋懷

缺

徐木

缺

史益伯

缺

錄事司

達魯噶齊

缺

薩木哈

缺

劉弘遠

省差

瑪哈穆特

缺

奇爾

蒙古

巴延

缺

伊寶特穆爾

缺

嘉琿達

缺

薩里

缺

烏圖們

缺

實都

缺

揚珠格爾

缺

塔爾楚

缺

托爾楚丹

缺

錄事

王政

缺

張讓

缺

姜天祥

缺

鄂囉萬盈

缺

張玉

缺

李仁

缺

卜元吉

缺

李圭

缺

李恭讓

缺

曹天祥

缺

楊天佐

缺

葛演

缺

錄判

魯宗勝

缺

楊英

缺

崔舉

缺

王堅

缺

張澤

缺

吳貞

缺

孔彥德

缺

蘇秉鈞

缺

劇良佐

缺

陳滂

缺

田審言

缺

龐証

缺

陳巨濟

缺

侯玉

缺

武德

缺

延祐四明志卷二